

E bida político di e gran estadista Betico Croes

Bida político:

1967-1986: Na 1967 AVP a haci un apelacion riba Betico pa reforzá política Arubano y asina Betico a subi lista di AVP na aña 1967 como candidato no. 5.

Desde promé di Juli 1967 te 1985 e tabata miembro di Eilandsraad di Aruba y te cu algun luna promé cu su morto 26 di November 1986, e tabata miembro di Parlamento di Aruba.

Tambe e tabata miembro di Staten di Antiyas Hulandes desde September 1973 pa su prestigioso partido MEP. Durante un corto tempo, Betico tabata presidente di Staten di Antiyas Hulandes.

For di promé di Juli 1967 te dos di September 1970, Betico tabata diputado di Enseñanza, Asuntunan General y Personal, registro Civil y Biblioteca Público.

Despues di un kiebren den AVP na aña 1970, Betico cu algun amigo a funda e prestigioso partido MEP nueve di Februari 1971.

1971: Miembro di Comision di Reino, caminda Betico a lucha incansablemente pa Aruba haña su Status Aparte.

1972: Delegacion di e tres lidernan di fraccion den Eilandsraad a bay Hulanda riba insistencia y mocion di Betico pa convocá Hulanda di nos lucha sagrado "Status Aparte". Un Aruba soberano cu lasonan estatal cu Hulanda.

Dor cu Hulanda a keda rechazá e idea di Status Aparte, Betico y MEP a ser obligá pa bai cu e idea di Independencia pa salba for di un Federacion Antiyano.

19 Maart 1973: Manifestacion grandioso den Wilhelmina Stadion. Miles di Arubiano a demostrá Parlamentarionan di Hulanda y Antiyas cu Aruba ta exigí su libertad (Independencia) riba e dia cu Aruba tabata recordá 25 aña cu Hulanda a reconocé e derecho di Aruba pa opta pa su Status Aparte den Reino Hulandes na 1948 riba 18 di Maart.

Eleccion 1973: Betico y MEP a boga pa Referendum y e partido mayoritario di e tempo ey, PPA a vociferá cu e eleccionnan di 1973 lo mester ser considerá como un Referendum ya cu PPA tabata boga pa un Federacion y MEP pa Independencia di Aruba.

Betico su partido MEP a gana e eleccionnan grandemente (5 di e 8 Statenzetels).

19 di September 1973: Mocion pa Staten di Antiyas a reconocé Status Aparte di Aruba.

E mocion a ser aceptá casi unanimamente cu un voto voto contra.

1974: Betico ta percurá pa instalá e departamento di Estructura Estatal di e islanan.

18 di Maart 1975: "Grandioso Marcha di Libertad cu flambeuw" organizá pa MEP (Betico) den cayanan di Oranjestad.

Eleccionnan di Eilandsraad-25 april 1975. "Decision 1975"

Victoria abrumador pa MEP, 13 di e 21 asientonan MEP a obtené. Betico a obtené 5748 voto y a bira "Con-

sehero General" di e Bestuurscollege di Aruba.

18 di Augustus 1975: Mocion di Eilandsraad cual lo haci posibel e misionnan pa exterior pa busca apoyo pa e lucha di e pueblo di Aruba: "Derecho di Autodeterminacion di e pueblo di cada isla.

12 di September 1975: Mocion di Staten di Antiyas pa reconocé e derecho di Autodeterminacion di e pueblo pa cada isla.

December 1975: Kiebra di MEP cu Gobierno Central a base di Sint Anna Shipyard e.o.

18 Maart 1976: Inauguracion Himno y Bandera. E decreto a ser aceptá 16 di Maart 1976 den un reunion público di Eilandsraad.

25 di Maart 1977: Referendum pa Pueblo duna su opinion sea Independencia o Federacion. 83% a vota pro Independencia.

17 di Juni 1977: Un bez mas pueblo ta duna MEP y Betico e mandato pa goberná Antiyas.

Augustus 1977: Accion total di pueblo di Aruba contra Gobierno Central. Betico y MEP cu e accionnan aki ta hala atencion pa nos lucha na un nivel internacional.

Porfin Hulanda ta duna contenido na art. 25 di Eilandenregeling. Un delegacion Arubano ta ser ricibí dor di Hulanda.

19-20 April 1978:

Reunion Tripartite entre Hulanda, Aruba y Antiyas a base di igualdad. "Independencia a bira asunto di Reino.

21 di September 1978: Delegacion Antiyano, Lider Betico y tambe Sres. Don Martina y Frans Figaroa a participá na debatenan den Tweede Kamer na Den Haag riba e derecho di autodeterminacion pa Aruba.

Promé di November 1978: Protocol pa formacion di Grupo di Trabao di Reino.

14 di November 1978: Participacion den 2e Kamer unda Betico a hiba palabra.

17 di Januari 1979: Instalacion di grupo di Trabao di Reino.

30 di April 1979: Eleccion di Eilandsraad. MEP a logra 12 di e 21 asientonan. Betico a acumulá 6064 voto.

6 di Juli 1979: Eleccion di Staten. Cu drama mas Pueblo a coroná Betico y MEP su lucha cu un mayoría aplastante. Betico a logra 9419 voto.

Februari 1989: Promé reunion di Ronde Tafel Conferentie na Den Haag.

25 di Februari 1981: Protocol R.T.C. -Derecho di Autodeterminacion, -Garantia, -Independencia di Aruba, etc.

18 di Maart 1981: Promé lustro di Himno y Bandera

18-20 di Maart 1981: Conferencia Internacional di MEP na ocasion di segundo lustro di existencia di MEP.

7 di September 1981: Enbista cu e partidonan Antiyano a keda rechazá, e resultadonan di e Conferencia di Mesa Rondo. Y pa motibo di e riquezanan mineral den awa territorial di Aruba, MEP a sali for di gobierno.

October 1981: Protocol di Den Haag, instalacion di Comision di Shete.

12 di November 1982: Entrega di e rapport di e Comision di shete.

12 Maart 1983: Betico y Aruba a concluí RTC exitosamente. Hulanda y Antiyas a aceptá Status Aparte.



24 di April 1983: Betico a bira víctima di un disparo di un agente policial.

29 di April 1983: MEP atrobe victorioso den eleccion.

September 1984: MEP a drenta Gobierno Central cu e cartera nobo pa prepará Status Aparte.

Mei 1985: Parlamento Hulandes a aceptá cambio di Statuut: Status Aparte pa Aruba pa 10 aña Aruba aceptá su constitucion. Aparte.

30 di December 1985: Betico ta tene su discursos di despedida den Staten di Antiyas y a gradicé Antiyas pa e cooperacion.

31 di December 1985: Antiyas ta firma e último leynan preparatorio. Betico a haña accidente di tráfico y ta perde conocimiento.

1 Januari di 1986: Aruba a drenta Status Aparte te cu su propio gobierno y Parlamento; Su propio Constitucion y teritorio.

3 di Januari 1986: Betico ta ser trasladá pa Miami den estado crítico, despues pa Chicago y luego Maastricht y pa Utrecht, Hulanda.

26 di November 1986: Betico a fayecé sin recobrá su conocimiento.

30 di November 1986: Entierro di Betico pa su pueblo stimá na Aruba.

18 di Maart 1987: Gobierno a duna e Plaza Libertad e nomber di Plaza G.F. (Betico) Croes.

14 di Februari 1989: Gobierno a yama e plaza Plaza Libertador G.F. (BETICO) Croes.



Riba e foto por mira Betico Croes hunto cu Drs. Jan de Koning durante un di e actividadnan cu e mandatario Hulandes, encargá cu asuntunan Antiyano/Arubano, a yega di atende aki na Aruba.